



Broj: 01-2- 4560 / 19
Datum: 25.07.2019. god.

Zbog velikog interesa javnosti, a vezane za smrt pacijentice (porodilje) H.M., direktor Opće bolnice Tešanj daje sljedeće zvanično

SAOPĆENJE

Menadžment i zaposlenici Opće bolnice Tešanj su sa dubokim i iskrenim žaljenjem primili vijest o smrti pacijentice čiji je porod obavljen u našoj ustanovi a koja je zbog nastanka nepredviđenih postporodajnih komplikacija premještena na Odjel intenzivne njege u UKC Tuzla na nastavak liječenja, gdje je nakon 13 dana intenzivnog liječenja došlo do smrtnog ishoda.

Izražavamo najiskrenije saučešće porodici preminule pacijentice i neka se Allah smiluje i oprosti Vašoj umrljoj a Vama podari sabur.

Stojimo na raspolaganju porodici preminule pacijentice da odgovorimo na sva njihova eventualna pitanja vezana za porod i nastanak postporodajne komplikacije kao i postupanje i poduzete mjere medicinskog osoblja koje je učestvovalo u pružanju zdravstvenih usluga preminuloj pacijentici.

Takođe stojimo na raspolaganju svim zvaničnim organima da odgovorimo na sva njihova pitanja vezanim za porod i nastanak postporodajne komplikacije kao i postupanje i poduzete mjere medicinskog osoblja koje je učestvovalo u pružanju zdravstvenih usluga preminuloj pacijentici.

Provjerom činjeničnih podataka i medicinske dokumentacije vezane za liječenje i postupanje medicinskog osoblja kao i izjava samih zdravstvenih radnika koji su učestvovali u liječenju preminule porodilje, na sastanku Stručnog vijeća Opće bolnice Tešanj, održanom 25.07.2019. godine, je utvrđeno da je:

- Dana 05.07.2019. godine u 10 sati, na Odjeljenje za ginekologiju i akušerstvo Opće bolnice Tešanj primljena trudnica H.M. rođ.1984. godine, četvrti prirodni porod.

Pregled i prijem trudnice je izvršio dežurni specijalista ginekologije Z.M.

Pri prijemu trudnice akušerski nalaz je bio uredan za višerotku, sa trudničkim bolovima a opće stanje trudnice je zadovoljavajuće.

Porodajni tok je uredan a sam porod je završio prirodnim putem sa porodajnom težinom od 4,81 kg.

Zbog lošeg Apgar scora beba se reanimira te upućuje u KB Zenica.

Postporodajno po izlasku posteljice se uoči da je ista defektna te se poduzimaju odgovarajuće mjere (odluči na instrumentalnu reviziju materišta).

I pored učinjene revizije materišta poslije izvjesnog vremena ponovo se uočava pojačano krvarenje iz materišta te se ponovo uradi manuelna i instrumentalna revizija i ordinira odgovarajuća terapija.

I pored napred navedenih poduzetih procedura i radnji krvarenje iz materišta ponovo počinje intermitentno i obilno sa svim znakovima **ATONIJE materice** što predstavlja pretnju po sam život porodilje.

Zbog životne ugroženosti porodilje, dežurni specijalista ginekologije Z.M. u konsultaciji sa načelnikom odjeljenja specijalistom ginekologije S.E. odlučuje da se pristupi hitnom operativnom zahvatu ostranjenja materice što je i učinjeno.

Post operativno, nakon izvjesnog vremena ponovo se registruju znaci krvarenja te se u konsultaciji sa specijalistom anesteziologije J.J. dogovori, da se porodilja, uz medicinsku pratnju, hitno premjesti na Odjel intenzivne njege UKC Tuzla što je i učinjeno oko 20 sati istog dana.

O samom toku nastavka liječenja na Odjelu intenzivne njege UKC Tuzla, Opća bolnica nema zvaničnu informaciju.

Stručno vijeće Opće bolnice Tešanj je stava da nastala komplikacija nije posljedica medicinske greške niti propusta medicinskog osoblja te da su sve poduzete radnje i procedure izvršene u skladu sa pravilima zdravstvene struke predviđenim za postupanje u ovakvim slučajevima.



Direktor:
Primarius
Doc.dr.sci.med.Hasan Škiljo